

YIMRE GEDJOL

- 1.1 Mi fuddira yettugo Allah Laamiido Mo''djufo,
- 1.2 Mo mo''djere muudum yooli kalleeli zumbudo,
- 1.3 Mi yettima Yaa Rahmaan hakkan a Mo''djufo,
- 1.4 Mi hakkini Wallaahi mimbo mi zumbudo,
- 1.5 Mi tuubii mi yaafe ngam Rasuulu Muhammada.

- 2.1 Zunuubaaji am duudi fa yawti ko tindino,
- 2.2 Mi nyalla yinaago he maaji nyaamo kazaa nano,
- 2.3 Mi hebbina reedu nafaari teb bo mi wuttino,
- 2.4 To hiiri mi taggo sey mi suddo mi fuusino,
- 2.5 Si kay bernde am tagraama yiide Muhammada.

- 3.1 Mi tampi ibaadaaji mi duuna mi yooɓoro,
- 3.2 Kadin mbiimi ndaare si kadin ko mi himmorro,
- 3.3 Mi manta Rasulullahi ngam ni mi faydoro,
- 3.4 Mi nyifroya yiite nge beege maako mi fewnoro,
- 3.5 Mi yaafe nganam alhorma Annabi Ahmada.

- 4.1 Mi beegaama Annabi yiite hubbo he bernde am,
- 4.2 To innde mu'um innaa mi sirwina banndu am,
- 4.3 To diftinoyaama ndegoo mi simtina gonɗi am,
- 4.4 Nganam yiite beege wonge ton caka bernde am,
- 4.5 Nge waywa tutus ngam beege Annabi Ahmada.

- 5.1 Mi muuya tutus wallaahi dillirgo makkata,
- 5.2 Mi laaroya laafere banndu am kam bo waawata,
- 5.3 Mi miccitoyo fa he laabi ɗin kam bo laabata,
- 5.4 Mi wurto mi jooɗo bernde am kam bo feewata,
- 5.5 Ko tindinoraymi beege am he Muhammada.